



Tiramento na Jouvert:
Suceso of sintoma di algo
mas preocupante?

Pagina 5

Dialuna 17 di Februari 2025 www.bondia.com Email: noticia@bondia.com Tel: 582-7800 Fax: 582-7044 1,75 Florin

Muchanan a luci y disfruta den Parada di Mucha na Noord y Oranjestad



Pagina 2

- **Fortificacion di capacidad pa sosten socio-emocional ta imperativo**

Pagina 3

- *Hulanda:*
A descubri brote di tuberculosis den fabrica na Oude-Tonge

Pagina 7

- **Hulanda ta fortalece colaboracion militar den area Caribense**

Pagina 9

Minister di Finanzas ta enfatisa:
“Presupuesto 2025 ta entrega caba”



Pagina 6



Brazil: Cumbre BRICS planea pa juli na Rio de Janeiro

Pagina 10

Gabinete di seguridad Israeli lo discuti fase nobo di truega cu Gaza despues di un bishita di Rubio



Pagina 24



Muchanan a luci y disfruta den Parada di Mucha na Noord y Oranjestad

Durante fin di siman cu a pasa Aruba a disfruta di dos parada di mucha. Parada di Mucha na Noord y Parada di Mucha na Oranjestad. Dos parada yen di ambiente y fantasia di carnaval.

Diasabra cayanan di Noord a yena cu participantenan bailando riba ritmo di canticanan carnaval y disfrasa cu nan trahenan di fantasia. Cu un poco mas di 350 participante riba pia, e parada tabata uno hopi bunita y cu ambiente.

E aña aki Noord tabatin como tema "Weganan di Bisiña", cual e diferente gruponan cu a participa den e parada a luci den diferente manera.

Diadomingo Parada di Mucha tabata den Oranjestad caminda muchanan tabata baila y jump riba caya riba ritmo di e diferente cancionnan di carnaval.

Parada di Mucha Oranjestad a conta cu un

total di siete grupo. Centro di Bario Noord a habri parada compana pa Reina Infantil di Aruba su Carnaval, Camila-Victoria Feliciana.

Champagne Kids Carnival grupo tabata grupo number dos cu su tema "World of Museums". Don Flip Carnival Group tabata grupo number y tabatin como tema di fantasia "Let's Rodeo". TOB Kids Carnival Group tabata grupo number cuater cu e tema "Art is Us". Empire Kids Carnival Group tabata grupo number cinco y tabatin e tema "Luna cu Solo". Grupo number seis tabata Unity Carnival Group cu e tema "Let's Celebrate". Ultimo grupo, grupo number siete tabata Little Groovers Carnival Group cu nan tema "Future Professionals".

Parada di Mucha San Nicolas lo tuma luga 23 di februari y manera ta custumber lo finalisa e temporada di carnaval di mucha cu kimamento di Momito despues di parada di mucha.

